



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Nezavisni odbor

Broj: 01-04- 24- 4-1 /26

Sarajevo, 17.02.2025. godine


SKUPŠTINA KANTONA SARAJEVO

OVDJE

PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2025.godine - dostavlja se

Nezavisni odbor na sjednici održanoj dana 17.02.2026. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2025. godine, a u skladu s članom 45. stav 5. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, informativno.

PREDSJEDAVAJUĆI NEZAVISNOG ODBORA





NEZAVISNI ODBOR

Broj: 01-04-24- 4 /26

Datum: 17.02.2026. godine

Na osnovu člana 45. stav (1) tačka 5. Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/2016, broj: 6/2019 - autentično tumačenje, broj: 26/2019, broj: 31/2019 i broj: 39/2020) i člana 8. stav (1.) tačka 10. Poslovnika o radu Nezavisnog odbora („Službene novine Kantona Sarajevo“, br. 13/22 i 52/22), Nezavisni odbor Skupštini Kantona Sarajevo podnosi:

I Z V J E Š T A J

o radu Policijskog komesara Uprave policije Ministarstva unutrašnjih poslova Kantona Sarajevo za period 01. oktobar – 31. decembar 2025. godine.

Nezavisni odbor Skupštine Kantona Sarajevo je sačinio detaljni tromjesečni izvještaj o radu Policijskog komesara na osnovu sljedećih pokazatelja:

- Izvještaja Policijskog komesara o svom radu za period oktobar-decembar 2025. godine,
- Informacija o aktivnostima Uprave policije za mjesece oktobar, novembar i decembar 2025. godine,
- Informisanja Nezavisnog odbora od strane Policijskog komesara na redovnim sjednicama u toku izvještajnog perioda,
- Informacija Uprave policije po raznim događajima, koje su tražene od strane Nezavisnog odbora tokom izvještajnog perioda, kao i druge relevantne informacije za sačinjavanje izvještaja.

1. Organizacija i sistematizacija radnih mjesta u Upravi policije

U skladu s Pravilnikom o unutrašnjoj organizaciji Ministarstva unutrašnjih poslova Kantona Sarajevo br. 01-7-02-4934/21 od 16.02.2022. godine, u Upravi policije ukupno je 2.436 sistematizovanih radnih mjesta, i to 2.122 (87,11%) radnih mjesta za policijske službenike, 73 (3%) za državne službenike i 241 (9,89%) za namještenike.

Prema podacima iz službenih evidencija nadležne organizacione jedinice, na dan 31.12.2025. godine, poslove i zadatke upražnjeno je 700 radnih mjesta policijskih službenika (33%) izvršilaca. Upražnjeno je 39 (16%) sistematizovanih radnih mjesta namještenika, te 21 (29%) mjesto državnih službenika.

Na dan 31.12.2025. godine, ukupno 26 (1,8%) policijskih službenika je suspendovano.

Ukupno 41 (2,88%) policijski službenik bio je na bolovanju dužem od 42 dana, dok je u izvještajnom periodu ukupno 387 (27,21%) policijskih službenika bilo spriječeno za rad po osnovu bolesti. Ukupan broj dana bolovanja je 3.456 radnih dana.

U izvještajnom periodu, 67 policijskih službenika je penzionisano, kao i tri namještenika.

Prema podacima iz službenih evidencija u Upravi policije MUP-a Kantona Sarajevo, na dan 31.12.2025. godine, upražnjeno je 700 (33%) radnih mjesta policijskih službenika.

2. Rukovođenje Upravom policije, te neposredno usmjeravanje i koordinacija operativnih aktivnosti iz oblasti kriminaliteta, javnog reda i mira, te saobraćaja

Policijski komesar je u izvještajnom periodu osiguravao saradnju sa drugim policijskim organima i agencijama za sprovođenje zakona BiH, tužilaštvima i međunarodnim organizacijama po pitanjima iz nadležnosti Uprave policije (redovni i vanredni sastanci), te organizovao redovne kolegije načelnika Uprave policije MUP KS.

3. Kriminalitet

3.1. Statistički pokazatelji

U periodu od 01. oktobra do 31. decembra 2025. godine, na području Kantona Sarajevo, prema službenim evidencijama Uprave policije MUP-a Kantona Sarajevo, evidentirano je 975 krivičnih djela, što je za 19 ili 1,9% manje u odnosu na uporedni period prošle godine. Od ukupnog broja registrovanih krivičnih djela, njih 569 ili 58,36% evidentirano je po poznatom, a 406 ili 41,64% po nepoznatom izvršiocu. Naknadno su rasvijetljena 324 krivična djela evidentirana po nepoznatom izvršiocu, od čega 248 djela prijavljenih u posmatranom periodu, a 76 ranije. Prijavljeno je 845 osoba (167 ili 24,6% više), od kojih 501 povratnik u vršenju krivičnih djela, što je za 117 ili 30,5% više u odnosu na uporedni period, i ova kategorija čini 59,29% od ukupnog broja prijavljenih. Među prijavljenima su 22 maloljetnika, što je za 33 ili 60% manje u odnosu na uporedni period. Ukupno 360 osoba je lišeno slobode, što je za 60 ili 20% više.

Za događaje s obilježjem krivičnog djela, prema izjavama oštećenih, nastupila je materijalna šteta u ukupnom iznosu od 1.062.683,10, 38.260,00€, 2.418,00\$ i 8.000,00 AUD – **ukupne protuvrijednosti u KM: 1.151.359,88 KM** što je za 144.271,92 BAM manje u odnosu na uporedni period.

U izvještajnom periodu, Uprava policije MUP-a Kantona Sarajevo je Kantonalnom tužilaštvu KS prosljedila na odluku putem administrativnog djelovodnika ukupno 564 obavijesti (342 manje), od čega je naknadno rasvijetljeno 46 (43 manje) i prosljeđeno tužilaštvu pod brojem iz krivičnog upisnika kao krivično djelo.

Najviše krivičnih djela evidentirano je u PU Novo Sarajevo (170 ili 17,44%), a najmanje u PU Ilijaš (33 ili 3,38%).

4. Javni red i mir

4.1. Statistički pokazatelji

Tokom izvještajnog perioda, u oblasti protiv javnog reda i mira evidentirano je 1.860 prekršaja, što je za 344 ili 22,7% više u odnosu na uporedni period.

Prijavljeno je 1.925 osoba, što je 329 ili 20,6% više u odnosu na uporedni period. Evidentirana su 794 povratnika u vršenju prekršaja, odnosno 41,25% od ukupno registrovanih, kao i 18 maloljetnika i 02 strana državljanina. Izdato je ukupno 1.705 prekršajnih naloga (427 ili 33,4% više) i podnijeto 157 zahtjeva za pokretanje prekršajnog postupka (84 ili 34,9% manje). Većina počinitelaca (45,61%) su osobe starije od 36 godina.

Na prekršaje utvrđene Zakonom o prekršajima protiv javnog reda i mira odnosi se 1.787 što je 96,07% od ukupnog broja prekršaja, a na prekršaje utvrđene odlukama općinskih vijeća o javnom redu i miru odnosi se 73 prekršaja ili 3,92%. Prilikom narušavanja javnog reda i mira, 07 osoba su zadobile lakše povrede (01 ili 16,7% više).

Prema **mjestu izvršenja**, najveći broj prekršaja evidentiran je na ulici i drugim otvorenim prostorima (1.752 ili 94,19%), zatim na mjestima koja spadaju u kategoriju *ostalih* (62 ili 3,33%), ugostiteljskim objektima (27 ili 1,45%), školskim prostorima (10 ili 0,54%), trgovinskim radnjama (07 ili 0,38%) i vozilima javnog gradskog prevoza (02 ili 0,11%), dok u sportskim dvoranama nisu evidentirana kršenja javnog reda i mira. Najviše prekršaja evidentirano je na području PU Novi Grad (436 ili 23,44%), a najmanje u PU Vogošća (59 ili 3,17%).

Javna okupljanja

Polijski komesar je preduzeo potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, te od Sektora za policijsku podršku, Sektora kriminalističke policije i Sektora uniformisane policije zatražio sačinjavanje cjelovite analize u vezi s provedenim mjerama i radnji prilikom vršenja osiguranja, kao i podatke o ostvarenim rezultatima i uočenim eventualnim nedostacima za vrijeme provođenja aktivnosti na osiguranju.

Polijski službenici Uprave policije proveli su planske aktivnosti u cilju bezbjednog održavanja 958 javnih skupova (172 ili 21,9% više), a u 170 slučajeva izvršeno je KDZ osiguranje.

U izvještajnom periodu održan je određeni broj većih javnih skupova¹ kojima je prisustvovalo cca **294.000 posjetilaca**.

4.3. Pratlje i osiguranja

Polijski službenici Uprave policije MUP-a Kantona Sarajevo su izvještajnom periodu izvršili 159 saobraćajnih osiguranja, 42 pratnje ličnosti i delegacija, 870 pratnji vanrednih/vangabaritnih prevoza/"B" materije i 116 drugih pratnji.

5. Saobraćaj

5.1. Statistički pokazatelji

Na području Kantona Sarajevo tokom izvještajnog perioda evidentirano je 3.726 saobraćajnih nezgoda, što je za 702 ili 23,2% više u odnosu na uporedni period. Od ukupnog broja nezgoda, njih 3.516 su sa materijalnom štetom (712 ili 25,4% više) – što čini 94% svih nezgoda, a 210 s nastradalim osobama (10 ili 4,5% manje). Za 2.219 saobraćajnih nezgoda sa materijalnom štetom (63,11%), učesnici su popunili Evropski obrazac saobraćajne nezgode.

U naseljima je registrovano 3.398 saobraćajnih nezgoda (91,3%), a van naselja njih 118 (3,17%).

Prema **kategoriji** puta, saobraćajne nezgode su registrovane: na ulicama u naselju – 2.395 (64,28%), na magistralnim putevima – 395 (10,6%), na lokalnim putevima – 252 (6,76%), na regionalnim putevima – 227 (6,09%), te na putevima koji se ubrajaju u kategoriju *ostalih* – 247 (6,63%). Prema **karakteristikama** puta, saobraćajne nezgode su registrovane: na raskrsnicama u naselju – 253 (6,79%), na raskrsnicama van naselja – 02 (0,05%), na pješačkim prelazima – 17 (0,46%), na mostu – 09 (0,24%), u tunelu – 02 (0,05%), te na putevima koji se ubrajaju u kategoriju *ostalih* – 3.233 (86,77%).

5.2. Posljedice saobraćajnih nezgoda

Tokom izvještajnog perioda, u saobraćajnim nezgodama poginula je jedna osoba (jedna manje) – pješak. Povrijeđene su 242 osoba, od kojih su 33 (13,64%) zadobile teške tjelesne povrede, a njih 209 (86,36%) je lakše povrijeđeno.

Među teško povrijeđenima je 10 vozača (30,3%), 05 putnika (15,15%) i 18 pješaka (54,54%).

Među lakše povrijeđenima je 127 vozača (60,77%), 49 putnika (23,44%) i 33 pješaka (15,79%).

¹ U tabeli prikazani javni skupovi kojima je prisustvovalo najmanje 100 osoba

Uzroci saobraćajnih nezgoda

Izvjestaji pokazuju sljedeću distribuciju uzroka saobraćajnih nezgoda:

- nepropisno izvođenje radnji u saobraćaju – 832 ili 25,07%
- neprilagođena brzina – 277 ili 8,35%
- kretanje vozilom unatrag na kratkom dijelu puta – 181 ili 5,45%
- nedržanje potrebnog odstojanja – 76 ili 2,29%
- nedržanje vozila u kretanju što bliže desnoj ivici kolovoza – 33 ili 0,99%
- negiranje prvenstva prolaza – 21 ili 0,63%
- nepropisno kretanje vozilom u raskrsnici – 18 ili 0,54%
- nepoštivanje saobraćajnih znakova – 14 ili 0,42%
- obaveza vozača prema pješacima – 12 ili 0,36%
- uticaj alkohola – 09 ili 0,27%
- samopokretanje vozila – 07 ili 0,21%
- propuštanje održavanja puteva – 04 ili 0,12%
- prolazak kroz crveno svjetlo – 04 ili 0,12%
- nezustavljanje ispred pješačkog prelaza – 01 ili 0,03%
- *ostali* uzroci – 1.830 ili 55,14%

5.4. Preduzete aktivnosti iz oblasti sigurnosti saobraćaja

Policijski komesar je naložio pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrsnicu na znak uključenog crvenog svjetla, upravljanje motornim vozilom pod dejstvom alkohola, opojnih droga i drugih opijata, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

U sklopu tih aktivnosti, policijski službenici su kontrolisali ukupno 102.293 vozila i vozača, što je za 39.929 vozila više u odnosu na uporedni period. Zbog kršenja propisa, vozačima je uručeno 140.966 prekršajnih naloga (6.306 manje), te je podneseno 2.436 zahtjeva za pokretanje prekršajnog postupka (1973 više). Registrovano je 39 krivičnih djela zbog ugrožavanja sigurnosti saobraćaja, što je za 12 više u odnosu na uporedni period.

Zbog prekoračenja brzine, vozačima je izrečeno 65.183 prekršajnih sankcija, dok je za prekršaj prolaska raskrsnice na znak uključenog crvenog svjetla izrečeno 1.727 prekršajnih sankcija.

Zbog tehničke neispravnosti, iz saobraćaja je isključeno 179 vozila (15 manje), 1.365 vozača je zatečeno da vozilom upravlja pod dejstvom alkohola (13 manje), 910 vozača je sankcionisano zbog nekorištenja sigurnosnog pojasa (68 manje), 658 osoba je zatečeno da upravlja vozilom bez položenog vozačkog ispita (337 više), 244 vozača su zatečena da vozilom upravljaju u vrijeme izrečene zaštitne mjere zabrane upravljanja motornim vozilom (61 više), 1.602 vozača su sankcionisana zbog nepropisnog korištenja mobitela tokom upravljanja vozilom (716 više). Otkriveno je 3.167 vozila da učestvuju u saobraćaju bez važeće registracije (102 manje).

U izvještajnom periodu, od višestrukih povratnika u vršenju prekršaja iz oblasti ZOOPS-a, **privremeno je oduzeto 09 vozila.**

U izvještajnom periodu provedeno je ukupno 14 kantonalnih akcija pojačanih kontrola vozača i vozila, u kojima je kontrolisano 1.175 vozača, gdje su izdata 1.033 prekršajna naloga i podneseno sedam prekršajnih prijava.

U izvještajnom periodu, u vrijeme pojačane frekvencije saobraćaja na glavnoj gradskoj saobraćajnici, policijski službenici Jedinice za saobraćaj su u jutarnjim i poslijepodnevnim satima radnim danima, vršili fizičku regulaciju saobraćaja.

U periodima od 06.30 do 08.30, te od 15.30 do 17.30 sati:

- Bulevar Meše Selimovića – Srđana Aleksića;
- Bulevar Meše Selimovića – Alije Kučukalića;
- Zmaja od Bosne – Ložionička (od 05.12.2025);
- Zmaja od Bosne – Hamdije Čemerlića;
- Zmaja od Bosne – Prva transverzala;
- Zmaja od Bosne - Fra Anđela Zvizdovića – Vrbanja;
- po ukazanoj potrebi: raskrsnica Vrbanja – Vilsonovo šetalište.

Tokom jutarnje i poslijepodne „špice“, policijski službenici svih osam policijskih uprava su regulisali saobraćaj na svim važnim, frekventnim i opterećenim saobraćajnicama.

U aktivnostima kontrole saobraćaja u mirovanju, vozačima koji su vozila nepropisno parkirali na javnim površinama, uručeno je 39.620 prekršajnih naloga (7.192 više). Zbog nepropisnog parkiranja, specijalnim vozilom „pauk“ premješteno je 515 vozila (132 manje).

„Znak pristupačnosti“

Naredbom Policijskog komesara provodi se Plan postupanja policijskih službenika „Znak pristupačnosti“ koji se odnosi na provođenje pojačanog nadzora i kontrole znaka pristupačnosti, odnosno parkiranja na parkirališnim mjestima označenim za osobe s invaliditetom. U periodu 01.10-31.12.2025. godine, na području Kantona Sarajevo izdata su 522 prekršajna nalog vozačima koji su vozila nepropisno parkirali na mjesta predviđena za osobe s invaliditetom. Iz istog razloga, 53 vozila su uklonjena specijalnim vozilom „pauk“.

U cilju objektivne procjene potrebe za postavljanjem radara na području Kantona Sarajevo, formirana je Ekspertna radna grupa za razmatranje inicijativa za postavljanje novih jedinica stacionarnih radara i ocjenjivanje opravdanosti inicijativa, broj 01-30-1-4378 od dana 05.10.2021. godine, te Rješenja o izmjeni rješenja, broj 01-30-1-4378-3/21 od 19.10.2023. godine. Ekspertna radna grupa je u izvještajnom periodu evidentirala sljedeće:

- zaprimljene su 04 inicijative za postavljanje novih jedinica stacionarnih radara, te su 03 razmatrane;
- 01 inicijativa ocijenjena kao „opravdana“, dok su 02 inicijative ocijenjene kao „nisu opravdane“.

Oktobar 2025:

- Inicijativa građanke Amine Stupar kojom se traži postavljanje stacionarnog radara za kontrolu brzine kretanja vozila na magistralnom putu M17, putni pravac Hadžići – Pazarić, skretanje za Gradac, općina Hadžići; inicijativa ocijenjena kao „opravdana“.

Novembar 2025:

- Inicijativa građana MZ „Skenderija – Podtekija“ koja se odnosi na potrebu uvođenja dodatnih mjera sigurnosti saobraćaja u ulicama Adila Grebe, Hamdije Kreševljakovića, Terezija i Skenderija; inicijativa ocijenjena kao „nije opravdana“.

Decembar 2025:

- Inicijativa Općine Ilijaš za postavljanje radara na regionalnom putu, mjesto Lješevo; inicijativa ocijenjena kao „nije opravdana“.

5.5. Preduzete aktivnosti nakon saobraćajnih nezgoda sa smrtnom posljedicom ili teške tjelesne povrede kod tri ili više osoba

U periodu od 01.10.2025. godine do 31.12.2025. godine na području Kantona Sarajevo dogodila se jedna saobraćajna nezgoda koja je za posljedicu imala smrt jednog lica. Tom prilikom smrtno je stradao jedan pješak.

6. Ostali poslovi i aktivnosti policijskog komesara

Policijski komesar je preduzimao sve mjere i radnje, uvažavajući zakonske i podzakonske odredbe, prioritete date od strane Vlade Kantona Sarajevo, Komisije za sigurnost Skupštine Kantona Sarajevo i Nezavisnog odbora Skupštine Kantona Sarajevo, a tokom izvještajnog perioda ostvario je kvalitetnu saradnju s ministrom unutrašnjih poslova KS.

6.1. Saradnja s drugim organima i tijelima i postupanje u oblasti radno-pravnog statusa uposlenika Uprava policije

Tokom izvještajnog perioda, prema dinamici u skladu s potrebama i Planom rada za 2025. godinu, donijeto je **2.488** rješenja za uposlenike Uprave policije MUP-a Kantona Sarajevo koja proizilaze iz radno-pravnog statusa i drugi akti, kako slijedi:

U pogledu upravnog rješavanja (drugostepeni postupak, za oblasti u kojima odlučuje policijski komesar shodno utvrđenim nadležnostima), u izvještajnom periodu postupljeno je po žalbama na rješenje prvostepenog organa u predmetu izdavanja odobrenja za nabavljanje oružja B kategorije u skladu sa Zakonom o držanju i nošenju oružja i municije (“Službene novine Kantona Sarajevo”, br. 1/18, 13/18 i 30/19) i Zakona o upravnom postupku (“Službene novine Federacije BiH”, br. 2/98, 48/99 i 61/22), te je doneseno 10 drugostepenih rješenja i to: osam rješenja kojima se žalba odbija kao neosnovana i dva rješenja kojim se poništava rješenje prvostepenog organa (jedan predmet se vraća prvostepenom organu na ponovni postupak, a drugi predmet se rješava u meritumu).

U izvještajnom periodu, predstavnici Uprave policije MUP-a Kantona Sarajevo učestvovali su kao članovi u radu Radne grupe za poduzimanje aktivnosti na implementaciji Zakona o zaštiti na radu FBiH čiji je zadatak izrada Nacrta Prijedloga pravilnika o zaštiti na radu MUP-a Kantona Sarajevo i Uprave policije MUP-a Kantona Sarajevo. Sačinjen je Prijedlog pravilnika o zaštiti na radu Ministarstva unutrašnjih poslova Kantona Sarajevo i Uprave policije MUP-a Kantona Sarajevo, te je upućen u dalju proceduru.

*Informacija o proceduri provođenja **Javnog konkursa** za popunu slobodnih radnih mjesta policijskih službenika Uprave policije MUP-a KS u činu “Policajac”*

Čin „Policajac“ – 200 izvršilaca

- ✓ Komisija za izbor je u proceduri po Javnom konkursu za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u

početnom činu "POLICAJAC" – 200 izvršilaca, objavljenom 07.11.2024. godine, a nakon što je okončan postupak sigurnosne provjere, te utvrđeno da nijedan kandidat nema utvrđenu sigurnosnu smetnju za pristup tajnim podacima stepena tajnosti „povjerljivo“, na web stranici i Oglasnoj ploči, dana 02.12.2025. godine objavila Konačnu listu kandidata koji će biti upućeni na osnovnu obuku za kadete na kojoj se nalazi 158 kandidata;

- ✓ Dana 15.12.2025. godine na Policijsku akademiju FMUP-a upućeno je 97 kadeta na osnovnu obuku, a nakon što su potpisali „Ugovor o međusobnim pravima i obavezama Uprave policije MUP-a Kantona Sarajevo i kadeta – polaznika osnovne policijske obuke za početni čin „policajac“ na Policijskoj akademiji FMUP“.

Čin „Policajac“ – 220 izvršilaca

- ✓ Komisija za izbor je dana 30.09.2025. godine, objavila Javni konkurs za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu "POLICAJAC" – 220 izvršilaca. Zadnji dan za prijave na Javni konkurs je bio 30.10.2025. godine. Ukupno je zaprimljeno 744 prijave kandidata.
- ✓ U toku novembra Komisija je pregledala i razmotrila prijave svih kandidata te je dana 28.11.2025. godine web stranici i oglasnoj ploči Ministarstva, objavila Listu kandidata koji ispunjavaju uslove za pristupanje testiranju i Listu kandidata koji ne ispunjavaju uslove za pristupanje testiranju sa detaljnim obrazloženjem razloga za isključenje iz dalje procedure, sa rokom a žalbu od 8 dana.
- ✓ Ukupno je izjavljeno 8 žalbi na Liste. Žalbe kandidata su uz izjašnjenje Komisije dostavljene na nadležno postupanje drugostepenom organu. U toku mjeseca decembra 2025. godine, Policijski odbor Vlade Kantona Sarajevo je riješio po svim žalbama. Sve žalbe su odbijene kao neosnovane, te su drugostepena rješenja upućena kandidatima na uručenje.

Informacija o procedurama unapređenja policijskih službenika u neposredno viši čin u Upravi policije MUP-a KS

Čin „Glavni inspektor“

Komisija za unapređenje policijskih službenika u čin "Glavni inspektor" i "Samostalni inspektor" (u daljnjem tekstu: Komisija), imenovana rješenjem Uprave policije Ministarstva unutrašnjih poslova Kantona Sarajevo, broj 02/5-1-30-1-2525 od 01.07.2025. godine, u izvještajnom periodu poduzimala je aktivnosti na provođenju procedure za unapređenje policijskih službenika u čin "Glavni inspektor" kako slijedi:

- ✓ dana 06.10.2025. godine, Komisija je dala Preporuku za unapređenje policijskih službenika u čin "Glavni inspektor", broj: 02/5-1-30-1-2525-25;
- ✓ dana 10.10.2025. godine, Komisija je na osnovu Odluke o unapređenju policijskih službenika u čin "Glavni inspektor" broj: 02-150/25 od 07.10.2025. godine, objavila Listu unaprijeđenih policijskih službenika u čin "glavni inspektor", broj 02/5-1-30-1-2525-26;
- ✓ dana 21.10.2025. godine, Komisija je objavila Konačnu listu kandidata predloženih za unapređenje u čin "Glavni inspektor", broj: 02/5-1-30-1-2525-30, čime je završena procedura unapređenja policijskih službenika u čin "glavni inspektor" po Internom oglasu za unapređenje policijskih službenika u čin "Glavni inspektor", broj 02/5-1-30-1-2525-2/25 od 31.07.2025. godine.

Ukupno 05 policijskih službenika unaprijeđeno je u čin „Glavni inspektor“.

Čin „Samostalni inspektor“

Komisija za unapređenje policijskih službenika u čin "Glavni inspektor" i "Samostalni inspektor", imenovana rješenjem Uprave policije Ministarstva unutrašnjih poslova Kantona Sarajevo, broj: 02/5-

1-30-1-2525 od 01.07.2025. godine, u izvještajnom periodu, poduzimala je aktivnosti na provođenju procedure za unapređenje policijskih službenika u čin "Samostalni inspektor" kako slijedi:

- ✓ dana 21.10.2025. godine Komisija je objavila Interni oglas za unapređenje policijskih službenika u čin "samostalni inspektor" - 12 (dvanaest) izvršilaca, broj: 02/5-1-30-1-2525-34;
- ✓ dana 20.11.2025. godine, nakon razmatranja svih dostavljenih prijava kandidata, Komisija je aktima broj 02/5-1-30-1-2525-40 i broj 02/5-1-30-1-2525-41 zatražila od nadležnih organizacionih jedinica podatke o postojanju sigurnosnih smetnji, kao i podatke o suspenzijama, mirovanju prava iz radnog odnosa i utvrđenom ograničenju, odnosno promjeni radne sposobnosti;
- ✓ dana 01.12.2025. godine, Komisija je objavila Listu kandidata prihvaćenih za proceduru za unapređenje u čin "Samostalni inspektor", broj 02/5-1-30-1-2525-42;
- ✓ dana 10.12.2025. godine, Komisija je objavila Konačnu listu kandidata prihvaćenih za proceduru unapređenja u čin "Samostalni inspektor", sa ukupno 21 prihvaćenim kandidatom, broj 02/5-1-30-1-2525-45;
- ✓ dana 11.12.2025. godine, Komisija je objavila Obavijest kandidatima prihvaćenih za proceduru unapređenja u čin "Samostalni inspektor" o terminu održavanja pismenog testa i terminu uvida u ostvarene rezultate, broj 02/5-1-30-1-2525-48;
- ✓ dana 15.12.2025. godine, Komisija je u prostorijama Sektora za policijsku podršku sa početkom u 12.00 sati održala pismeno testiranje kandidata, kao poseban kriterij za unapređenje, a kojem je pristupilo 14 kandidata prihvaćenih za proceduru za unapređenje u čin "Samostalni inspektor";
- ✓ dana 15.12.2025. godine, aktima Komisije broj 02/5-1-30-1-2525-52 i broj 02/5-1-30-1-2525-53 od nadležnih organizacionih jedinica zatraženi su podaci o postojanju sigurnosnih smetnji, kao i podaci o suspenzijama, mirovanju prava iz radnog odnosa i utvrđenom ograničenju, odnosno promjeni radne sposobnosti kandidata u proceduri za unapređenje u čin "Samostalni inspektor";
- ✓ dana 16.12.2025. godine, Komisija je dala Preporuku za unapređenje policijskih službenika u čin "Samostalni inspektor", broj 02/5-1-30-1-2525-54;
- ✓ dana 16.12.2025. godine, Komisija je na osnovu Odluke o unapređenju policijskih službenika u čin "Samostalni inspektor" broj 02-183/25 od 16.12.2025. godine, objavila Listu unaprijeđenih policijskih službenika u čin "Samostalni inspektor", broj 02/5-1-30-1-2525-56;
- ✓ dana 25.12.2025. godine, Komisija je objavila Konačnu listu kandidata predloženih za unapređenje u čin "Samostalni inspektor", broj 02/5-1-30-1-2525-58, čime je završena procedura unapređenja policijskih službenika u čin "Samostalni inspektor" po Internom oglasu za unapređenje policijskih službenika u čin "Samostalni inspektor", broj 02/5-1-30-1-2525-34/25 od 21.10.2025. godine.

Ukupno 12 policijskih službenika unaprijeđeno je u čin „Samostalni inspektor“.

Čin „Viši inspektor“

Komisija za unapređenje policijskih službenika u čin "Viši inspektor" i „Inspektor“ je poduzimala aktivnosti, te je dana 11.12.2025. godine, od policijskog komesara zatražila dostavljanje prijedloga za posebno unapređenje u skladu s Pravilnikom o uslovima, načinu bodovanja i proceduri za unapređenje policijskih službenika Uprave policije Ministarstva unutrašnjih poslova Kantona Sarajevo.

Čin „Inspektor“

Komisija za unapređenje policijskih službenika u čin "Viši inspektor" i „Inspektor“ je dana 01.10.2025. godine objavila Interni oglasi za unapređenje policijskih službenika u čin "inspektor", 21 izvršilac broj: 02/5-1-30-1-2524-11/25 od 30.09.2025. godine i Interni oglasi za unapređenje policijskih službenika u čin "Inspektor" – 02 izvršioca broj: 02/5-1-30-1-2524-12/25 od 30.09.2025. godine. Nakon pregledanih prijava kandidata i izvršenih provjera u skladu s odredbama Pravilnika o

uslovima, načinu bodovanja i proceduri za unapređenje policijskih službenika Uprave policije MUP-a Kantona Sarajevo ("Službene novine Kantona Sarajevo", broj 45/20 i 47/20), Komisija je 09.11.2025. godine objavila Listu kandidata prihvaćenih za proceduru za unapređenje u čin „Inspektor“ - 21 izvršilac, broj: 02/5-1-30-1-2524-25/25 od 05.11.2025. godine i Listu kandidata koji nisu prihvaćeni za proceduru za unapređenje u čin „Inspektor“ – 21 izvršilac, broj: 02/5-1-30-1-2524-26/25 od 05.11.2025. godine, kao i Listu kandidata prihvaćenih za proceduru za unapređenje u čin „Inspektor“ - 02 izvršioca, broj: 02/5-1-30-1-2524-27/25 od 05.11.2025. godine. S obzirom da je na Listu kandidata koji nisu prihvaćeni za proceduru za unapređenje u čin „Inspektor“ – 21 izvršilac, broj: 02/5-1-30-1-2524-26/25 od 05.11.2025. godine izjavljena žalba, Komisija je nakon donošenja konačne odluke po žalbi kandidata, dana 12.12.2025. godine objavila Konačnu listu kandidata prihvaćenih za proceduru unapređenja u čin „Inspektor“ – 21 izvršilac, broj: 02/5-1-30-1-2524-37/25 od 11.12.2025. godine i Konačnu listu kandidata prihvaćenih za proceduru unapređenja u čin „Inspektor“ – 02 izvršioca, broj: 02/5-1-30-1-2524-40/25 od 11.12.2025. godine, te je po objavljivanju predmetnih Listi, dana 23.12.2025. godine održala pismeno testiranje za kandidate koji su se prijavili na Interni oglas za unapređenje policijskih službenika u čin „Inspektor“ – 02 izvršioca, broj: 02/5-1-30-1-2524-12/25 od 30.09.2025. godine i dana 24.12.2025. godine održala pismeno testiranje za kandidate koji su se prijavili na Interni oglas za unapređenje policijskih službenika u čin „Inspektor“ – 21 izvršilac, broj: 02/5-1-30-1-2524-11/25 od 30.09.2025. godine. Shodno ostvarenim bodovima na pismenom testiranju, Komisija će poduzeti aktivnosti na održavanju i intervjuu u skladu sa članom 24. Pravilnika o uslovima, načinu bodovanja i proceduri za unapređenje policijskih službenika Uprave policije MUP-a Kantona Sarajevo, a koji će se održati dana 06.01.2026. godine.

Čin „Mlađi inspektor“

I Komisija za unapređenje policijskih službenika u čin „Mlađi inspektor“ imenovana rješenjem Uprave policije MUP-a Kantona Sarajevo br. 02/5-1-30-1-2522 od 02.07.2025. godine i br. 02/5-1-30-1-2522-1 od 16.10.2025. godine, u izvještajnom periodu provodila je pet procedura unapređenja policijskih službenika u čin „mlađi inspektor“, te je poduzimala sljedeće aktivnosti:

- ✓ U proceduri unapređenja po Internom oglasu za unapređenje policijskih službenika u čin „Mlađi inspektor“ – 06 izvršilaca, br. 02/5-1-30-1-2522-10/25 od 25.07.2025. godine, dana 03.10.2025. godine provela je pismeni test, a dana 10.10.2025. godine test fizičke sposobnosti. Nakon toga sačinjena je i policijskom komesaru dostavljena Preporuka za unapređenje 06 najbolje rangiranih policijskih službenika. Odlukom policijskog komesara br. 02-152/25 od 14.10.2025. godine, početni čin „Mlađi inspektor“ putem unapređenja steklo je 06 policijskih službenika, te je shodno donesenoj Odluci, Komisija dana 15.10.2025. godine, u navedenoj proceduri sačinila i objavila Listu unaprijeđenih policijskih službenika u čin „Mlađi inspektor“ od 15.10.2025. godine. S obzirom na broj slobodnih radnih mjesta (6), nisu unaprijeđena 2 policijska službenika, 22 kandidata nisu pristupila testiranju (pismenom testu ili testu fizičke sposobnosti) i za iste se smatra da su odustali od podnesene prijave, dok su 23 policijska službenika isključeni iz ove procedure unapređenja jer nisu zadovoljili eliminacioni prag na pismenom testu, a koji predstavlja 70% od maksimalnog broja bodova koji se mogao ostvariti ili 21. Nakon što je protekao rok za žalbu na Listu unaprijeđenih policijskih službenika i nije bilo izjavljenih žalbi, Komisija je dana 27.10.2025. godine objavila Konačnu listu kandidata predloženih za unapređenje u čin „mlađi inspektor“, na kojoj se nalazi 06 policijskih službenika.
- ✓ Komisija za unapređenje u čin „Mlađi inspektor“ je u periodu od oktobra do decembra 2025. godine u proceduri unapređenja po Internom oglasu za unapređenje policijskih službenika u čin „Mlađi inspektor“ – 01 izvršilac br. 02/5-1-30-1-2522-9/25 od 25.07.2025. godine, provela

pismeni test dana 06.10.2025. godine i test fizičke sposobnosti dana 16.10.2025. godine, nakon čega je sačinjena i policijskom komesaru dostavljena Preporuka za unapređenje najbolje rangiranog policijskog službenika. Odlukom policijskog komesara br. 02-159 od 22.10.2025. godine, početni čin „Mlađi inspektor“ putem unapređenja stekao je 01 policijski službenik, te je shodno donesenoj Odluci, Komisija dana 27.10.2025. godine, u navedenoj proceduri sačinila i objavila Listu unaprijeđenih policijskih službenika u čin „Mlađi inspektor“ od 27.10.2025. godine, na kojoj se nalazi 01 policijski službenik. S obzirom na broj slobodnih radnih mjesta (1), nisu unaprijeđena 3 policijska službenika, 16 kandidata nije pristupilo testiranju (pismenom testu ili testu fizičke sposobnosti) i za iste se smatra da su odustali od podnesene prijave, dok je 12 kandidata isključeno iz ove procedure unapređenja jer nisu zadovoljili eliminacioni prag na pismenom testu, a koji predstavlja 70% od maksimalnog broja bodova koji se mogao ostvariti ili 21. Nakon što je protekao rok za žalbu na Listu unaprijeđenih policijskih službenika, i nije bilo izjavljenih žalbi, Komisija je dana 10.11.2025. godine u proceduri unapređenja po Internom oglasu za unapređenje policijskih službenika u čin „Mlađi inspektor“ – 01 izvršilac br. 02/5-1-30-1-2522-9/25 od 25.07.2025. godine, objavila Konačnu listu kandidata predloženih za unapređenje u čin „Mlađi inspektor“, na kojoj se nalazi jedan policijski službenik.

- ✓ Komisija za unapređenje u čin „Mlađi inspektor“ okončala je proceduru unapređenja po Internom oglasu za unapređenje policijskih službenika u čin „Mlađi inspektor“ – 03 izvršioca br. 02/5-1-30-1-2522-8/25 od 25.07.2025. godine. Dana 07.10.2025. godine Komisija je provela pismeni test, a dana 23.10.2025. godine test fizičke sposobnosti. Dana 27.10.2025. godine sačinila je i policijskom komesaru dostavila Preporuku za unapređenje 03 najbolje rangirana policijska službenika. Odlukom policijskog komesara br. 02-161/25 od 28.10.2025. godine, početni čin „Mlađi inspektor“ putem unapređenja stekli su 03 policijska službenika, te je shodno donesenoj Odluci, Komisija dana 31.10.2025. godine, u navedenoj proceduri sačinila je i objavila Listu unaprijeđenih policijskih službenika u čin „Mlađi inspektor“ od 30.10.2025. godine, na kojoj se nalaze 03 policijska službenika. S obzirom na broj slobodnih radnih mjesta (3), nisu unaprijeđena 2 policijska službenika, 25 kandidata nije pristupilo testiranju (pismenom testu ili testu fizičke sposobnosti) i za iste se smatra da su odustali od podnesene prijave, 30 kandidata nije pristupilo testiranju kandidata i isti su isključeni iz procedure unapređenja po ovom Internom oglasu. Za jednog kandidata prijava nije prihvaćena, jer nije ispunio uslov u pogledu tražene stručne spreme. Nakon što je protekao rok za žalbu na Listu unaprijeđenih policijskih službenika, i nije bilo izjavljenih žalbi, Komisija je dana 18.11.2025. godine u proceduri unapređenja po Internom oglasu za unapređenje policijskih službenika u čin „Mlađi inspektor“ – 03 izvršioca br. 02/5-1-30-1-2522-8/25 od 25.07.2025. godine objavila Konačnu listu kandidata predloženih za unapređenje u čin „Mlađi inspektor“, na kojoj se nalaze tri policijska službenika.
- ✓ Komisija za unapređenje u čin „mlađi inspektor“ je u izvještajnom periodu okončala i proceduru unapređenja po Internom oglasu za unapređenje policijskih službenika u čin „Mlađi inspektor“ – 01 izvršilac br. 02/5-1-30-1-2522-7/25 od 25.07.2025. godine. Dana, 08.10.2025. godine Komisija je provela pismeni test, a dana 30.10.2025. godine test fizičke sposobnosti. Dana 31.10.2025. godine sačinjena je i policijskom komesaru dostavljena Preporuka za unapređenje najbolje rangiranog policijskog službenika. Odlukom policijskog komesara br. 02-164/25 od 03.11.2025. godine, početni čin „Mlađi inspektor“ putem unapređenja stekao je 01 policijski službenik, te je shodno donesenoj Odluci, Komisija dana 10.11.2025. godine, u navedenoj proceduri objavila Listu unaprijeđenih policijskih službenika u čin „Mlađi inspektor“ od 07.11.2025. godine, na kojoj se nalazi 01 policijski službenik. S obzirom na broj slobodnih radnih mjesta (1), nije unaprijeđen 01 policijski službenik, 23 kandidata nisu pristupila testiranju (pismenom testu ili testu fizičke sposobnosti) i za iste se smatra da su odustali od podnesene prijave, dok je 10 kandidata isključeno iz ove procedure

unapređenja po ovom Internom oglasu, jer nisu zadovoljili eliminacioni prag na pismenom testu, a koji predstavlja 70% od maksimalnog broja bodova koji se mogao ostvariti ili 21. Nakon što je protekao rok za žalbu na Listu unaprijeđenih policijskih službenika, i nije bilo izjavljenih žalbi, Komisija je dana 21.11.2025. godine u proceduri unapređenja po Internom oglasu za unapređenje policijskih službenika u čin „Mlađi inspektor“ – 01 izvršilac br. 02/5-1-30-1-2522-7/25 od 25.07.2025. godine, objavila Konačnu listu kandidata predloženih za unapređenje u čin „mlađi inspektor“, na kojoj se nalazi jedan policijski službenik. Ukupno 11 policijskih službenika unaprijeđeno je u čin „Mlađi inspektor“.

II Komisija za unapređenje policijskih službenika u čin „Mlađi inspektor“ imenovana rješenjem br. 02/5-1-30-1-2522 od 02.07.2025. godine i br. 02/5-1-30-1-2522-1 od 16.10.2025. godine u mjesecu novembru 2025. godine, a prije raspisivanja Internog oglasa za unapređenje u čin „Mlađi inspektor“, inicirala je dostavljanje eventualnih prijedloga za posebno unapređenje u navedeni čin. Budući da nije bilo prijedloga za posebno unapređenje u navedeni čin, Komisija je sačinila Obavijest koju je dostavila svim osnovnim organizacionim jedinicama Uprave policije kao i Pisarnici, radi objave na oglasnim pločama dana 21.11.2025. godine. Dana 24.11.2025. godine Komisija je objavila Interni oglas za unapređenje policijskih službenika u čin „Mlađi inspektor“ 34 izvršioca. Nakon isteka roka za predaju prijava na Interni oglas (rok istekao 09.12.2025. godine), dana 29.12.2025. godine Komisija je objavila Listu kandidata prihvaćenih za proceduru unapređenja i Listu kandidata koji nisu prihvaćeni za proceduru unapređenja u čin „Mlađi inspektor“ po navedenom Internom oglasu. U toku žalbeni rok.

Čin „Stariji narednik“

Komisija za unapređenje policijskih službenika u čin „Stariji narednik“, „Narednik“ i „Stariji policajac“, formirana rješenjem Uprave policije MUP-a Kantona Sarajevo broj: 02/5-1-30-1-2523 od 01.07.2025. godine, poduzimala je sljedeće aktivnosti na provođenju procedure unapređenja policijskih službenika u čin „stariji narednik“:

- ✓ Nakon izvršenih provjera propisanih članom 25. stav (2) i (3) Pravilnika o uslovima, načinu bodovanja i proceduri za unapređenje policijskih službenika Uprave policije MUP-a Kantona Sarajevo, Komisija je policijskom komesaru uputila Preporuku za posebno unapređenje u čin „Stariji narednik“ broj: 02/5-1-30-1-2523-8/25 od 16.10.2025. godine kojom su obuhvaćena 52 policijska službenika;
- ✓ Po prijemu Odluke policijskog komesara o posebnom unapređenju policijskih službenika u čin „Stariji narednik“ broj: 02-160/25 od 28.10.2025. godine, Komisija je objavila Listu unaprijeđenih policijskih službenika u čin „Stariji narednik“ broj 02/5-1-30-2523-9/25 od 06.11.2025. godine, a zatim i Konačnu listu unaprijeđenih policijskih službenika u čin „Stariji narednik“ broj 02/5-1-30-1-2523-11/25 od 18.11.2025. godine;
- ✓ Po okončanju procedure posebnog unapređenja policijskih službenika u čin „Stariji narednik“ u kojoj je posebno unaprijeđen 51 policijski službenik, Komisija je objavila Interni oglas za unapređenje policijskih službenika u čin „Stariji narednik“ 02/5-1-30-2523-13/25 od 20.11.2025. godine, a na koji nije bilo pristiglih prijava kandidata za unapređenja.

Ukupno 51 policijski službenik unaprijeđen je u čin „Stariji narednik“.

Čin „Narednik“

Radi pokretanja procedure unapređenja policijskih službenika u čin „Narednik“, Komisija za unapređenje policijskih službenika u čin „Stariji narednik“, „Narednik“ i „Stariji policajac“, formirana rješenjem Uprave policije MUP-a Kantona Sarajevo broj: 02/5-1-30-1-2523 od 01.07.2025. godine, zatražila je dostavljanje eventualnih prijedloga za posebno unapređenje policijskih službenika u navedeni čin.

Zakonitost u radu

U izvještajnom periodu Jedinica za profesionalne standarde, Odjeljenje za unutrašnju kontrolu evidentiralo je ukupno 76 predavki na rad i ponašanje policijskih službenika Uprave policije, te su u 51 slučaju vršene provjere, a u 20 slučajeva vođena je unutrašnja istraga, dok je u 05 slučajeva utvrđeno da nema osnova za vođenje unutrašnje istrage. Od 76 zaprimljenih predavki, 67 predavki je podneseno od strane građana, a 09 predavki predstavljaju saznanje iz službe. U izvještajnom periodu okončano je 29 unutrašnjih istraga, od čega je 08 predavki zaključeno ocjenom "osnovana", 04 "neosnovane", 09 "bez dovoljno dokaza", 01 "odustanak", 01 "obustava", i u 06 slučajeva donesen je zaključak o prekidu internog postupka (unutrašnje istrage). U izvještajnom periodu registrovana je jedna predavka koja ima obilježja "korupcije".

Odjeljenje za unutrašnji nadzor, koordinaciju i usmjeravanje izvršilo je tri vanredna unutrašnja nadzora.

Teža povreda službene dužnosti

U jednoj predavci postoje osnovi sumnje da je jedan policijski službenik počinio težu povredu službene dužnosti iz člana 103. stav (1) tačka a) *Neizvršavanje, nesavjesno, neblagovremeno i nepažljivo izvršavanje službenih zadataka*, Zakona o policijskim službenicima Kantona Sarajevo.

Lakša povreda službene dužnosti

U jednoj predavci postoje osnovi sumnje da je jedan policijski službenik počinio lakšu povredu službene dužnosti iz člana 102. stav (1) tačka f) *Nekorektno i nepristojno ponašanje prema kolegama, zaposlenicima, pripadnicima drugih organa ili građana*, Zakona o policijskim službenicima Kantona Sarajevo.

U jednoj predavci postoje osnovi sumnje da je jedan policijski službenik počinio lakšu povredu službene dužnosti iz člana 102. stav (1) tačka c) *Nepažljivo i neuredno čuvanje dokumenata i podataka suprotno odgovarajućim propisima* i tačka h) *Neizvršavanje, nesavjesno, neblagovremeno ili nepažljivo izvršavanje službenih zadataka bez težih posljedica*, Zakona o policijskim službenicima Kantona Sarajevo.

U pet predavki postoje osnovi sumnje da je 10 policijskih službenika počinilo lakšu povredu službene dužnosti iz člana 102. stav (1) tačka h) *Neizvršavanje, nesavjesno, neblagovremeno ili nepažljivo izvršavanje službenih zadataka bez težih posljedica*, Zakona o policijskim službenicima Kantona Sarajevo.

6.3. Finansije, nabavka opreme i materijalno-tehničkih sredstava

U izvještajnom periodu preduzimane su sve potrebne mjere i aktivnosti na osiguranju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije Ministarstva unutrašnjih poslova Kantona Sarajevo. U skladu s odobrenim Budžetom Kantona Sarajevo za 2025. godinu, u izvještajnom periodu izvršene su sljedeće isplate:

Shodno, odredbama Kolektivnog ugovora između Vlade Kantona Sarajevo i Sindikata policije Kantona Sarajevo („Službene novine Kantona Sarajevo”, broj 4/24), Pravilnika o plaćama i naknadama državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 4/22, 8/22, 21/22, 46/22, 28/24 i 47/24), te Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo”,

broj 51/23 i 30/24) izvršen je obračun i isplata plaća i naknada zaposlenicima Uprave policije za mjesece septembar, oktobar i novembar 2025. godine.

6.4. Javne nabavke Uprave policije MUP-a KS

U Odjeljenju za materijalno opremanje i komercijalne poslove obavljane su aktivnosti koje se odnose na realizaciju nabavki roba i usluga za potrebe organizacionih jedinica Uprave policije.

6.4.1. Faze pokrenutih postupaka

U periodu oktobar – decembar 2025. godine, na osnovu Plana javnih nabavki, u fazi pokrenutih postupaka su:

Otvorenog postupka

- nabavka dijelova uniforme i obuće za pripadnike vodova interventne policije (LOT 1 – Dijelovi uniforme za policijske službenike, LOT 2 – Taktičke čizme) iz sredstava donacije Općine Novo Sarajevo;
- nabavka potrošnog materijala za kriminalističku tehniku i daktiloskopsku laboratoriju (Ostali materijal i oprema za kriminalističku tehniku) – ponovljeni postupak;
- nabavka dijelova uniforme za policijske službenike (LOT 1 – Svečane uniforme, LOT 2 – Uniforme za rad u inostranstvu, LOT 3 – Uniforme za motocikliste);
- sukcesivna nabavka potrošnog fotomaterijala;
- sukcesivna nabavka usluga servisiranja vozila za specijalne namjene u garantnom roku.

Ukupna vrijednost pokrenutih otvorenih postupaka javne nabavke iznosi **549.066,96 KM.**

Ograničeni postupak javne nabavke

- nabavka vozila za specijalne namjene.

Ukupna vrijednost ograničenog postupka javne nabavke iznosi **4.049.990,10 KM.**

Direktni sporazum

- nabavka štambilja;
- nabavka objektiva za fotoaparat;
- nabavka alata;
- nabavka telefonskih aparata;
- nabavka raznog materijala sa logom „policija“;
- nabavka usluga graviranja posveta;
- nabavka električnih uređaja za grijanje prostora;
- nabavka vitaminskih i mineralnih dodataka u hrani za službene pse.

Ukupna vrijednost nabavki pokrenutih putem direktnog sporazuma iznosi **48.673,59 KM.**

U izvještajnom periodu, provođene su određene faze postupaka javne nabavke roba i usluga, a koji su **u toku:**

Otvoreni postupak

- sukcesivna nabavka usluga tehničkog pregleda motornih vozila;
- nabavka kancelarijskog namještaja.

Ukupna vrijednost otvorenih postupaka javne nabavke koja je u toku iznosi **54.849,58 KM.**

Ograničeni postupak

- nabavka policijske zaštitne opreme.

Ukupna vrijednost ograničenih postupaka javne nabavke koji su u toku iznosi **499.590,00 KM**.

6.4.2. Završeni postupci javne nabavke

Otvoreni postupak

- sukcesivna nabavka potrošnog kompjuterskog materijala (LOT 1 – Napojne jedinice, LOT 2 – Preklopnici, kablovi, kartice i ostala periferna oprema, LOT 3 – Memorije, diskovi i mediji, LOT 4 – Optički uređaji i LOT 5 – Oprema za laptope);
- sukcesivna nabavka usluga servisiranja motornih vozila (LOT 1 – Servisiranje motornih vozila marke Renault; LOT 2 – Servisiranje motornih vozila marke BMW, LOT 4 – Servisiranje motornih vozila marke Honda, LOT 5 – Servisiranje motornih vozila marke Citroen, LOT 6 – Servisiranje motornih vozila marke Ssang Yong, LOT 7 – Servisiranje motornih vozila marke Fiat, LOT 8 – Servisiranje motornih vozila marke Piaggio);
- nabavka potrošnog materijala za kriminalističku tehniku i daktiloskopsku laboratoriju (LOT 1 – Potrošni materijal za biološku laboratoriju, LOT 2 – Zaštitna oprema, LOT 3 – Medicinski potrošni materijal i ostali potrošni materijal za biološku laboratoriju i LOT 4 – Potrošni materijal za daktiloskopsku laboratoriju);
- sukcesivna nabavka pogonskog goriva (LOT 1 – Stari Grad, LOT 2 – Centar, LOT 3 – Novo Sarajevo, LOT 5 – Ilidža, LOT 6 – Hadžići i Trnovo i LOT 7 – Vogošća i Ilijaš);
- nabavka kancelarijskog namještaja (LOT 1 – Stolice, LOT 2 – Kancelarijski stolovi i ormari, i LOT 3 – Metalni ormari i regali);
- nabavka dijelova policijskih uniformi (LOT 1 – Klasična uniforma i Nabavka dijelova policijskih uniformi, LOT 5 – Službena obuća);
- nabavka usluga produženja licenci Magnet Axiom;
- nabavka opreme za proširenje digitalnog sistema radio veze;
- nabavka računara i računarske opreme (LOT 1 – Računarska konfiguracija sa monitorom, LOT 2 – Printeri, LOT 3 – Kopir aparat, multifunkcionalni uređaji i dokument skeneri, i LOT 4 – Projektori);
- nabavka droga test-ampula (Drager Drug Test 5000 Test Kits);
- sukcesivna nabavka rezervnih dijelova za motorna vozila.

Ukupna vrijednost završenih otvorenih postupaka javne nabavke iznosi: **2.811.258,71 KM**.

Ograničeni postupak

- nabavka vatrenog oružja i dijelova za vatreno oružje (LOT 1 – Automatska puška, LOT 2 – Snajperska poluautomatska puška, LOT 3 – Puškomitraljez i LOT 4 – Poluautomatski pištolj);
- nabavka specijalne policijske opreme (LOT 1 – Balistički šljemovi TIP 1, LOT 2 – Balistički šljemovi sa komunikatorom TIP 2, LOT 3 – Specijalni taktički opasač, LOT 4 – Oprema za osmatranje, LOT 5 – Gas maske);
- nabavka municije.

Ukupna vrijednost završenih ograničenih postupaka javne nabavke iznosi: **12.491.742,47 KM**.

Nakon provedenih postupaka, realizovane su i sljedeće javne nabavke roba i usluga male vrijednosti.

Direktni sporazum

- nabavka inventurnih pločica;
- nabavka objektiva za fotoaparata;
- nabavka potopne pumpe za nečistu vodu;
- nabavka potrošnog elektro materijala;
- nabavka rezervnih dijelova i rezervnih baterija za UPS uređaj;
- nabavka usluga graviranja posveta;
- nabavka usluga najma opreme za printanje i kopiranje;
- nabavka usluga pretplate na pristup bazi podataka savjetodavnog servisa;
- nabavka usluga popravke drona.

Ukupna vrijednost realizovanih nabavki putem direktnog sporazuma iznosi **28.550,48 KM**.

6.4.3. Zaključeni ugovori

Nakon donošenja odluke policijskog komesara o odabiru najpovoljnije ponude, kao i na osnovu okvirnih sporazuma koji su zaključeni u ranijem periodu, u izvještajnom periodu policijski komesar je u ime ugovornog organa, zaključio okvirne sporazume i ugovore po okvirnim sporazumima:

- sukcesivna nabavka higijensko – potrošnog materijala;
- sukcesivna nabavka akumulatora, sijalica i drugog potrošnog materijala za motorna vozila (LOT 2 – Sijalice i drugi potrošni materijal za m/v);
- sukcesivna nabavka prehrambenih proizvoda (LOT 1 – Prehrambeni proizvodi i proizvodi široke potrošnje);
- sukcesivna nabavka itisona;
- sukcesivna nabavka tonera, ketridža i ribona;
- nabavka rezervnih dijelova za motorna vozila (LOT 5 – VW);
- nabavka usluga servisiranja motornih vozila u garantnom roku (LOT 2 – Volkswagen);
- sukcesivna nabavka auto guma;
- sukcesivna nabavka kancelarijskog materijala (LOT 2 – Pisaći pribor i ostali kancelarijski materijal);
- nabavka opreme i materijala za održavanje sistema radio veze;
- nabavka restoranskih usluga i usluga dostavljanja pripremljenih obroka za lica zadržana u Odsjeku za zadržavanje lica lišenih slobode.

Ukupna vrijednost zaključenih ugovora po osnovu okvirnih sporazuma iz ranijih perioda iznosi **468.114,85 KM**.

Nastavljena je realizacija ranije zaključenih ugovora za sukcesivne isporuke roba i usluga. Nabavke roba i usluga vrše se u skladu s odredbama Zakona o javnim nabavkama ("Službeni glasnik BiH" broj: 39/14, 59/22 i 50/24) i Pravilnikom o javnim nabavkama Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj 44/23). Tokom izvještajnog perioda, na osnovu mjesečnih trebovanja kancelarijskog materijala, obrazaca, zaštitnih i dezinfekcionih sredstava i raznog potrošnog materijala, koje su dostavljale organizacione jedinice Uprave policije, blagovremeno je vršeno njihovo distribuiranje krajnjim korisnicima, vođene su knjigovodstveno-magacinske i druge potrebne evidencije o stanju svih roba u magacinima.

Izvjestavanje, zaštita tajnih podataka i informisanje javnosti

U skladu s odredbama Instrukcije o hitnom, tekućem, povremenom i statističkom izvještavanju Uprave policije MUP-a Kantona Sarajevo, preduzimao sam mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po uspostavljenom sistemu zaštite ličnih podataka, kao i po dostignutom stepenu razvoja sistema zaštite tajnih podataka.

Izvršena je 17.970 provjera iz službenih evidencija za potrebe tužilaštava, sudova, drugih policijskih agencija i drugih organa. Pokrenut je 21 upravni postupak brisanja osuda iz kaznene evidencije: osam po službenoj dužnosti i 13 po zahtjevu stranaka. Na zahtjev građana izdato je 2.889 uvjerenja o činjenicama iz kaznene i prekršajne evidencije.

U oblasti zaštite tajnih podataka, u izvještajnom periodu, Policijski komesar je za uposlenike Uprave policije donio ukupno 173 rješenja o nepostojanju sigurnosnih smetnji za pristup tajnim podacima, jedno rješenje o postojanju sigurnosne smetnje za pristup tajnim podacima, dok nije bilo rješenja o zabrani pristupa tajnim podacima.

Za ukupno 12 uposlenika pokrenute su procedure na popunjavanju sigurnosnih upitnika, dok su prema Državnoj agenciji za istrage i zaštitu upućeni zahtjevi za vršenje sigurnosnih provjera za dva uposlenika, a prema Obavještajno-sigurnosnoj agenciji BiH, upućeni su zahtjevi za vršenjem sigurnosnih provjera za 23 uposlenika.

Ministarstvu sigurnosti Bosne i Hercegovine – Sektor za zaštitu tajnih podataka, upućeni su zahtjevi za izdavanjem dozvola za pristup tajnim podacima za ukupno 164 uposlenika.

Policijski komesar tokom izvještajnog perioda nastavio dobru saradnju s medijima u Bosni i Hercegovini i inozemstvu, koji su objavili veći broj vijesti u vezi sa stanjem javnog reda, kriminaliteta i sigurnosti saobraćaja na području Kantona Sarajevo, čime je osiguran zadatak i cilj Uprave policije da objektivno, tačno i precizno informiše javnost o svim sigurnosnim događajima.

Zaprimljeno je 611 zahtjeva u skladu sa Zakonom o slobodi pristupa informacijama. Provedeno je 579 upravnih postupaka.

Istovremeno je dat nalog da se u formi posebnih saopštenja i/ili objava i informacija, promoviraju, isprate i druge aktivnosti u Upravi policije MUP-a Kantona Sarajevo.

Kroz media monitoring, ukupno su evidentirane 5.653 medijske objave.

6.6. Migranti

U izvještajnom periodu usmjeravan je rad Operativnog tima za pitanje migranata u rješavanju problematike uzrokovane boravkom i kretanjem migranata na području Kantona Sarajevo. Policijski službenici Uprave policije izvršili kontrolu 37 migranata od kojih je devetero lišeno slobode, a jedna osoba predata Službi za poslove sa strancima. Evidentirano je počinjenje 11 krivičnih djela.

Prema dostavljenim podacima IOM-a, zaključno s 31. decembrom 2025. godine na području Kantona Sarajevo boravilo je oko 437 registrovanih migranata, što je za 4,3% više u odnosu na uporedni period.

7. Edukacija

Na osnovu planiranih aktivnosti Planom i programom stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2025. godinu, kroz programe internog i eksternog stručnog usavršavanja policijskih službenika realizovani su moduli stručnog usavršavanja policijskih službenika Uprave policije za 2025. godinu, kroz koja su prošla ukupno 1.074 policijska službenika, i to:

- program internog stručnog usavršavanja – 718 policijskih službenika,
- program eksternog stručnog usavršavanja – 356 policijskih službenika.

7.1. Program internog stručnog usavršavanja

U izvještajnom periodu realizovani su programi internog i eksternog stručnog usavršavanja.

8. Rad policije u zajednici

Tokom izvještajnog perioda, dao sam saglasnost i konkretne upute policijskim službenicima iz Odjeljenja za prevenciju maloljetničkog prijestupništva, nasilja u porodici i rad policije u zajednici za preduzimanje potrebnih aktivnosti u cilju uspostavljanja bolje saradnje s građanima, mjesnim zajednicama, školama, predstavnicima vjerskih zajednica, udruženjima građana i nevladinim organizacijama. Policajci u zajednici su svakodnevno na terenu, te kroz proaktivno prisustvo i lične kontakte s građanima, socijalnim radnicima, pedagogima, direktorima i drugim osobljem javnih ustanova i mjesnih zajednica, nastoje stvoriti povoljniji ambijent za život svih kategorija stanovništva, a posebno za manjinske grupe i vulnerabilne kategorije stanovništva. Također, policajci u zajednici su redovnim obilascima objekata gdje je povećano prisustvo građana radili na prevenciji izvršenja krivičnih djela, narušavanja javnog reda i mira, te drugih prekršaja. Inspektor za prevenciju maloljetničkog prijestupništva je ostvarivao redovnu komunikaciju s tužiocima za maloljetnike Kantonalnog tužilaštva Kantona Sarajevo, kao i istražiteljima za maloljetničko prijestupništvo Uprave policije MUP-a KS, Službama za socijalnu zaštitu KS, kao i vladinim i nevladinim sektorom uključenim u rad s djecom i maloljetnicima.

Odjeljenje za prevenciju maloljetničkog prijestupništva, nasilja u porodici i rad policije u zajednici sačinilo je Plan i program stručnog usavršavanja policijskih službenika Uprave policije MUP-a Kantona Sarajevo iz oblasti rada policije u zajednici: “Standardizacija izvođenja edukativnih radionica za učenike osnovnih i srednjih škola u Kantonu Sarajevo”, provedba “Smjernica/scheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevu“ i “Standardizacija izvještavanja policijskih službenika”. Stručno usavršavanje za policijske službenike održano je 09.10.2025. godine u Bazi Sektora za policijsku podršku za 40 policijskih službenika.

9. Evidentirani pozivi javnih ustanova u KS – zahtjevi za intervenciju

Policijske uprave policije MUP-a Kantona Sarajevo u izvještajnom periodu su evidentirale 211 zahtjeva za intervenciju/asistenciju od strane javnih preduzeća. U svim slučajevima policijski službenici Uprave policije su izašli na teren.

**PREDSJEDAVAJUĆI
NEZAVISNOG ODBORA**



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba